

集部

欽定四庫全書時奏集卷五十四

集部

主事臣呂雲棟覆勘 詳校官庶吉士臣朱 理

總校官無吉士臣倉聖脈 校對官中書臣葉 蘭 腾録監生臣奉師弼

欽定四庫全書 **欠已习更在野** 不可彼此相推若行之不力而歸各於知之不明知 脚庵伴 多者也明善誠 引正當表裏相 患不自知耳既自知得如 問答 不要思前算後庶能矯革 撰

出門踏著正路便先做取落草由徑之計相引去無人 未曾理會讀書脩已便先懷取一副當功利之心未曾 自今觀之却似未為不幸况後學淺陋又安敢議此乎 書豈所敢當當時諸先達益當有欲為之而未果者然 邪心者却是教壞後生此甚不便近年以來彼中學者 子約漢唐之論在渠非有私心然亦未免程子所謂乃 期矣他論數條亦所當講別紙奉報幸併詳之隱括程 不明而歸咎於行之不力即因循擔閣無有進步之 卷五十四

金少口屋台雪

たこりました「一 其間誠有可疑者如韓信事向來伯恭面論益當日其 當以玩味未熟分畫未明為憂益自項年妄作此書至 斥之不知子約還知外面氣象如此否耳 不及不知後來看得如何須是別看出情節來不然不 **今未見有人真實下功理會到究竟處也大事記數條** 微曲折知它是更有何窮何盡未須便慮說得太詳且 處私語密傳以為奇特直是不成模樣故不得不痛排 中庸章句太極解義方是略說大緊若論裏面道理精 海蚤集

象不好却似與渠輩以私智角勝負非聖賢垂世立教 注脚有太纖巧處好論張湯公孫弘之姦步步掇拾氣 甚佳嘗觀首淑能識刺深氏而爽已不敢忤董卓至或 不無前幅所論兩字之病 調輕的耳子陵仲弓二絕則 應如此失入也此可更問子約看如何然渠此書却實 遂為唐衡之婿曹操之臣人家祖父壁立千仞子孫猶 之法也諸詩語意清遠讀之令人想見湖山之勝但亦 自成一家之言亦不為無益於世鄙意所疑却恐其間 卷五十四

金公四月分書

論喜合惡離樂含糊而畏剖析所以凡事都不曾理會 太極之說與緊辭詳略不同乃是互相發明以盡精微 白倒東來西况太丘制行如此其末流之與為賊佐命 明道答横梁書誠似大快然其間理致血脈精密貫通 而學者又何由知得其中有許多曲折即大抵近日議 亦何足怪哉 到底此一世之通患也 /蘊最為有功岩只依本分模揭則亦何用增此贅語

1.10

711in

海奄集

프

窮理互相涉入不可草草看過如上文既云以其情順 儘須玩索如大公順應自私用智忘怒觀理便與主敬 金万四月全書 萬事即具下云而無情亦自不妨 封建之論甚住范公之説大抵切於時務近而易行但 岐周公制禮之不同又似馬援論漢二祖也 明道伊川論性疎密固不同然其氣象亦各有極至處 於制度規模外遠意思大段欠關如論租庸兩稅等處 明道直是渾然天成伊川直是精細平實正似文王治 卷五十四

當不隨義理之是非則可耳以上諸說有未安處却幸 亦甚碌略也封建一事向見胡文明仲所論大抵與來 聖學門庭令士子略知修己治人之實無幾於中或有 縣事想日有倫理學校固不免為舉子文然亦須告以 喻相似不知曾見之否要之此論須以聖人不以天下 文三日草在馬 反復 一家之私作主意而兼論六國形勢以見其利害未 答孫季和 梅庵集

金灯也是白書 弟否若救得此人出彼陷罪足使聞者陳動所係實不 亦順覺其弊否寧海僧極令人念之亦可屬之端叔兄 興起作將來種子淅間學問一向外馳百怪俱出不知 輕也所疑三條皆恐未然試深味之當自見得古今書 陳同文聞之不疑要是張識得文字體製意度耳讀書 文雜見先秦古記各有證驗宣客廢絀不能無可疑處 只當玩其所可知而闕其所不可知耳小序决非孔門 之舊安國序亦決非西漢文章向來語人人多不解惟

與孔叢子文中子大略相似所書孔藏不為宰相而禮 賜如三公等事皆無其實而通鑑亦誤信之則考之不 來偶自好之固是一病然亦不可謂無助也孔氏書序 玩理外考盤又是一種工夫所得無幾而費力不少向 所示文字深切詳審說盡事情想當時面陳又不止此而 未足以少回天意此亦時運所繫非人力所能與也更 精甚矣 答石應之

極安知其不愈鈍而後利耶熹衰朽殊甚春間一 願益加涵養講學之功而安以俟之事會之來豈有終 時所謂啄啄爭 鳴者之亂道而誤人也無由面論臨風 舊聞之一二雖無新得然亦愈覺里賢之不我欺而近 心昏目倦不能觀書然日用功夫不敢不勉問亦細釋 復舊幸且復得祠禄休養而幼界疾病相仍殊無好况 **根公謹見之繼此將理一兩月方稍能自支然竟不能** 耿耿公謹想已到彼矣渠趙向意味朋友間少得但意緒 一病狼

定四庫全書

卷五十四十二

聞新阡尚未得卜想今已有定鄉見說大門上世宅兆 多支離更與鍋切令稍直截當益長進耳 答石應之

**熹衰病日益沈痼數日來又加寒熱之發愈覺不可支** 立定等則必求如此之地而後用之則恐無時而已耳 之勝今日求之未易可得益地有盡而求者無已若欲

相見無期亦勢應爾不足深念猶恨黨錮之禍四海

横 流而賢者從容其間獨未有以自明者此則批者

欠 己日年亡年

脚庵集

示 釒 來 姑 取两家之長不可輕相試管就有未合亦且置勿論而 力處正在天理人欲二者相去之間耳如今所論則彼 之言然亦豈可忽哉便中寫此以代面缺 日視而不順之深憂也富貴易得名即難保此雖淺近 勉力於吾之所急不謂乃以曹表之故及有所激 j 喻之云也不敏之故深以自咎然吾人所學與緊着 喻競辨之端三復惘然愚意几來深欲勘同志者兼 せんろう 答諸葛誠之 卷五十 如

欠ピの最白色 賢往往皆有立我自是之意属色念詞如對仇敵無復 究之以歸於是乃是吾黨之責而向來講論之際見諸 之所見有未能盡同者正當虚心平氣相與熟講而徐 其間恐决不至如賢者之所疑也義理天下之公而人 自任正欲引率學者一於天理而不以一毫人欲雜於 之因激而起者於二者之間果何處也子静平日所以 何至此但觀諸賢之氣方盛未可遽以片辭取信因默 長少之節禮遜之容益常竊笑以為正使真是仇敵亦 脚庵某

不言至今常不滿也今因來喻颠復陳之不審明者以 為如何耳 グロ 117

答諸葛誠之

喻子静不至深諱者不知所諱何事又云銷融其隙

者不知除從何生愚意講論義理只是大家商量尋 箇是處初無彼此之間不容更似世俗遮掩回馥愛惜

人情幾有其同便成嫌以也如何如何所云廳心害道

自知明審深所歎服然不知此心何故麤了恐不可不

究其所自來也 答項平父安世

常常記得此固持守之要但聖人指示為學之方周通 恃 詳密不靠一邊故曰敬義立而徳不孤若如今説則只 示喻此心元是聖賢只要於未發時常常識得已發時 須是精粗本末隨處照管不令工夫少有空闕不到之 箇敬字更不做集義工夫其德亦孤立而易窮矣

識所記指何物而言若指此心則識者記者復是何物 心有二主自相搜好聖賢之教恐無此法也持守之要 亦有錯認人欲作天理處不可不察識得記得不知所 大抵只是要得此心常自整頓惺惺了了即未發時不 昏昧已發時不放縱耳愚見如此不知子静相報如何 因風録示或可以警所不逮也伊川先生云涵養須用 敬進學則在致知此两句與從上聖賢相傳指訣如合 符契但講學更須寬平其心深沈詳細以究義理要歸

舜四庫全書

卷五十四

為 次第耳 處 所 論 矣 得義理全不子細又別說一種社 撰道理遮益不肯放 却是問學上多了所以為彼學者多持守可觀而看 乃為有補若只草草領略就名數訓詁上著到則不成 用力之要今子静所說專是尊德性事而熹平日所 大抵子思以來教人之法惟以尊德性道問學兩事 喻曲折及陸國正語三復與然所警於昏情者為厚 答項平父 梅庵集

邊耳 官期處滿當復西歸自此益相遠令人作惡也罵坐之 下而熹自覺雖於義理上不敢亂說却於緊要為已為 説 人上多不得力今當反引用力去短集長庶幾不墮一 度 耳 天民聞又領鄉邑販貸之役不以世俗好惡少改其 何乃至是吾人為學別無巧妙不過平心克已為要 深可敬服朋友論議不同不能下氣虚心以求實是 答項平父

欽

定四庫全書

卷五十四.

偏 とこううころう 為外馳務博觀者又以內省為隘狹左右佩劔各主一 此深可憂誠之書來言之甚詳已略報之可取一觀此 徒傷和氣損學刀無益於事也 是運數吾人正當勉其在己者以俟之耳不必深憤歎 所喻讀書次第县善但近世學者務及求者便以博觀 不復云也聞宗仰子静蹤跡令人太息然世道廢興亦 而道衙分裂不可復合此學者之大病也若謂竟舜 答項平父 梅童集

以來所謂兢兢業業便只是讀書程課竊恐有一向外 心萬理具備若能存得便是聖賢更有何事然聖賢教 字者題耳至論為學次第則更儘有商量大抵人之一 録寄放書尤以愧荷稱許之過旨不敢當但覺難用兩 由可平忿欲何由可弭耶無由面論徒增耿耿耳 馳之病也如此用力略無虚間意思省察功夫如氣何 人所以有許多門路節次而未嘗教人只守此心者益 答项平父

郵戶四庫全書

卷五十四

心之真此理之正而 考古驗令體會推尋內外參合益必如此 了其白黑大學所謂知至意誠孟子所謂知言養氣 人雖以恭敬持守為先而於其中又必使之即事即 不 自 此心此理雖 明 雅察極 也若 宍口 111 Ú 無毫髮近似聖近世為此說者 如來喻乃是合下只守此心全不窮理故 精 本完具却為氣質之專不能無偏若 極塞住往隨其所偏墮於物欲之私 於世間萬事一切言語無不洞 聖賢氣象正坐者觀其言語動 每卷沫 泉正 坐 此耳 የዩ 畧 是以聖 然後見得 <u>+</u> 賢 狱

ت 是病 取 惑也夫 謂不必先分儒釋者此非實見彼此皆有所當 倀 上 不 理之精微既不能及又并與向來所守而失之所以侵 精思熟察而便務為涉獵書史通晚世故之學故於 骓 而不可偏廢也乃是不曾實做自家本分功夫故 能知異端設淫邪遁之害茫然两無所見而為是依 無所依據雖於尋常淺近之說亦不能辨而坐為所 似明白然却不能應事此固已失之矣後來知此 雖欲窮理然又不會將聖賢細密言語向自己 分 亦

釗

近四庫

全書

卷五十四

物無不至之心又似只是移出向來所守之心便就日 窮理功夫此豈難曉之病耶然今所謂心無不體之物 建龍軍之說以自欺而欺人耳若使自家日前曾做得 精微之蘊又未當入思議也其於是非取舍亦據已見 間所接事物上比較耳其於古今里賢指示剖析細察 審而自許過鳥異日忽逢一夫之說又将為所遷惑而 正理之全耶便謂存誠愈固養氣愈充吾恐其察之未 為定耳又何以祭夫氣稟之偏物欲之般而得其本心

沙足口事心馬

晦庵集

淺然路脈不差節序明審便可行用幸試詳之 不能自安也中間得葉正則書亦方似此依違龍罩而 賢之書既讀聖賢之書須看得他所說本文上下意義 白處甚 萬不自知其淺陋殊可憐憫以書告之久不得 報恐未必能堪此苦口也大學章句一本設往其言雖 所論:我襲猶未離中舊見大抵既為里賢之學須讀聖 字字融釋無室礙處方是會得里賢立言指趣識得如 尼白量 答項平父

Ep 莪 生者言此氣是積累行義之功而自生於內 今為學功夫固非可以懸空白撰而得之也如孟子答 と・; 頑 子 於外也其曰行有不慊於心則餒矣者言心有不慊 襲而取之也言此氣非是所行之義潜 孫丑問氣一節專以治然之氣為主其曰是集義所 然不 乃不知此而以義為外則其不動心也直疆制之而 是不合於義而此氣不生也是豈可得而掩取哉告 į 動耳非有此氣而自然不動也故又曰我故 1. 1. 1. 海奄集 往掩襲而取 也其口非 主 曰

쉾 為 告子未嘗知義以其外之也然告子之病益不知心之 義為外而不求今人因孟子之言却有見得此意而識 子之言雖者小異然其實則百步五十步之間耳以此 義之在內者然又不知心之順與不順亦有必待諸學 相笑是同浴而幾裸程也由其所見之偏如此故於義 省察而後能察其精微者故於學聚問辨之所得皆指 慊處即是義之所安其不慊處即是不合於義故直以 定匹 外而以為非義之所在遂一切棄置而不為此與告 庫全書 苍五十四 失大抵為學但能於此等節目處看得十數條通透鎮 推詳之復以見告逐句詳說如注疏然方見所論之得 皇極為大中近聞又有說保極為存心者其說如何幸 然敬即學之本而窮理乃其事亦不可全作两截看也 出於人欲之私也來喻敬義二字功夫不同固是如此 理之精微氣質之偏蔽皆所不察而其發之暴悍在密 無所不至其所慨然自任以為義之所在者或未必不 洪範皇極一章乃九畴之本不知自子細看否先儒訓

欠らり事を時一間

晦庵集

金月世五台雪 言語之中矣 客即見讀書凡例而聖賢傅付不言之妙皆可以漸得之 也孟子之意須從上文看其為氣也即義與道無是餒 所喻已悉以平父之明敏於此自不應有疑所以未免! 也是集義所生者非義襲而取之也此上三句本是説 紛紜却是明敏太過不能深潜密察及復玩味只各見 線路可通便謂理只如此所以為人所感虚度光陰 答项平父 卷五十四

都錯看了又復将此草本立一切法横說豎說許好來 白此氣乃集義而自生於中非行義而襲取之於外云 氣下两句是字與非字為對襲字與生字為對其意益 飲食其勢亦難扶理杜門屏息聽天所命餘無可言者 生恐其罪不止此如范霸之議王獨而已也 爾非謂義不是外襲也今人讀書不子細将聖賢言語 **熹一病四五十日危死者數矣今幸粗有生意然不能** 欠已日日 於 一頭 答項平父 晦庵集

所幸一生辛苦讀書微細揣摩零碎括别及此暮年略 金方四月全書 無一字無下落處若學者能虚心遊志将永其間自不 見從上里賢所以垂世立教之意枝枝相對葉葉相當 患不見入德門戶但相見無期不得面講使平久尚不 能無疑於當世諸儒之論此為恨恨耳 喜從士友間得足下之名而願交焉為日久矣衰病屏 伏無從際會每以為恨而聽於往來之言亦知足下之 答陳抑之謙 

以聲問先自通於隸人兹承枉書感愧亡量顧陳義高 不鄙我而將有以辱况之也年歲以來私家多故不獲 內卒無高奇深助之見可以驚世而駭俗者獨幸年來 勤勞半世汨沒於章句訓詁之間黾勉於規矩繩約之 何 於聖賢遺訓粗若見其坦易明白之不妄而必可行者 敢當之以自取戾即然養亦當有聞於先生長者矣 雖古之賢人君子懼不足以堪足下之意而熹之愚 竊以為僕得當世名達秀顏之士相與講之抑彼之

とこう

晦庵集

共

來猶足以見區區也餘惟藏器勉學慰此遐想 復以為如何也極不訓中此義甚的然自先儒失之久 太極之書度所見不同論未易合故久不報又思理之 意於此幸甚幸甚竄伏窮山未知見日繼此書疏之往 過強此之不及吾道庶其明且行乎三復來書果若有 矣未必今人之失也徳功渾象之說誠如所喻此公, 在然不可以不辨近方以書復之其說甚詳未知彼 答俞壽翁 卷五十四

金分口

月在書

學而病多益不專在言語文字之間也來喻有志未免 有見未徹此見賢者自知之明見子静曾扣之否思意 功庶绕自有欲罷不能積累貫通之效若未得下手處 則以為且當捐去浮華選就自己分上切近著實處用 大學中庸屢改終未能到得無可改處大學近方稍似 恐未免於臆度虚談之弊也 ていこう ションテー 人病道理最是講論時說得透緩涉紙墨便覺不能及 答應仁仲 侮辱集 ŧ

來乃領向來三月所惠書雖已遠猶足慰意也几日秋 一得日子約書乃知已當經婺女竟爾相失尤以為恨歸 紙上看如何見得到底每一念此未當不撫卷慨然也 其一二級說得出亦無精彩以此見聖賢心事今只於 自幾道來聞欲相訪日竹來音比歸不至深以惘然後 之矣歸來已决杜門之計讀書益有味但祠請專人您 冷遠惟徳履佳勝熹一出狼狽不可言幾道必已詳言 定四雄全書 答應仁仲 卷五十四

喜哀病之餘灾患復不可堪趙氏聘幣無置之之所故 書未敢刻聞有盗印者方此追究未定甚以為捷也因 决也甚久欲一見賢者今既不遂因書有以見告者切 期未返永知此事定復何如度亦不出三五日當見果 遣歸之今既不受未有以處欲如來喻納之於擴則今 幸不外啟蒙小學二書偶未有本後便續寄去中庸等 便布此未能盡所欲言正遠称重 答應仁仲

P TO TIPE LIAM

海奄林

知賢者何以教之使於義稍安而無於疑也聞幾道太 者其最長者才十有二耳似此再三籌度皆未有計不 夫人至為悲慟變食此意尤不敢忘耳熹出處之計未 道者則似於義亦無所當反復思之惟有別以他女再 以給墓户則亦不必如此之多欲以施諸鄉人之為橋 已葬且此間之葬例薄然亦時有意外之患欲置少田 知所定亦復類此浙中士及亦願有知其曲折者要是 烟好之為善而家間諸女及孫雖多而年歲無相當 卷五十

金与口及百言

聘 精神筋 てニア 輕又喜只今己漸平復竊計比日 清實也但累年命駕之約未知能復踐言否熹亦益衰 杜 不聞 門藏拙為上計耳 禮己前已送致道今與四明一二朋友抄節疏義 以遂心期念之令人恨恨不能為懷也禮書方了 問小兒歸彼告乃知向來體中當不佳證亦不 答應仁仲 力皆已非復昔時勢亦不能遠適何由一承晤 11.1. 梅庵集 起居益快健氣體愈 L 附

È

釰 章記不随經而注疏各為一書故使讀者不能感脫 黄辉携去廬陵與江右一二朋友成之尚未送來計亦 定此本盡去此諸弊恨不得今韓文公見之也易本義 就草葉矣前賢常患儀禮難讀以今觀之只是經不分 入計必轉呈有未安者幸早見教尚及改也觀禮以後 聞見单淺今又衰情不能卒業不知明者何以教之更 妄意管窺一二亦不自意推弄至此尚恨古書放失 謂遂達几下舊讀此書每於先儒之說有所不快因 卷五十四

芡

四月在書

**人不聞問辱書為慰信後清和恭惟求志從容尊履多** 道自重益绥壽祉千萬至望 亦漸不見物矣來白幾何學不加益而罪戾日聞未知 欠己口戶 Cation 1 有所不敢承耳何時被晤訟此埋鬱更祈珍衛副此真 明者何以警策之也恵許來訪固所幸願顧見屬之意 如聞亦苦目疾莫不至甚妨事否熹則左目全旨石 答應仁仲 晦懂集

望詳賜誨諭母使有待於後世之子雲也正遠切祈以

金分四居台書 比來哀悴愈覺支離加以耳重目自殊費醫治良以為 禱 **新**所云也 來 熹 勘講亡狀竟煩罪斥杜門念各畢此餘生為幸甚矣 然亦老能之常不足怪也因便草草的見朋友編春 熹目盲不能親書所喻編禮如此固住然却太移動 本文恐亦未便耳老病益侵而友朋相望皆在千百 答應仁仲 卷五十四

應之甚恨未得相見其為學規模次第如何近來日陸 不 心以觀天下之理甚覺不滿人意應之益當學於兩家 知其於此看得果如何因話扣之因書喻及為幸也 人互相排斥此由各狗所見之偏而不能公天下之 皆嘗有意欲籍官司之力為之亦未及開口而罷天 里外恐此自不能成為終身之恨矣向在長沙臨安 於此學如此其厄之何即可數可數 答周叔謹喋公謹改姓字 晦庵集 主

てこり シャノニ

釤 自 叔 體察以拾為要其餘文字且大緊諷誦涵養未頂大段 甚適每勸學者亦且看孟子道性善求放心兩章者實 著力考索也 댳 有意味勿苦尋支蔓旁生孔穴以汨 謹想且留彼應之相聚所講何事文字且虚心平看 近日亦覺向來說話有太支離處反身以求正坐自 用 四峰全書 功亦未切耳因此減去文字功夫覺得閉中氣象 答周叔 謹 卷五十四 亂義理之正脉

依舊說得太多更宜省約為佳也祝汀州已成見次不 但亦只是每事須著一句經統令不直截耳公謹來書 方能至此常人不可學他即大不可想罪必不至此誤 若云人須以顏子自期不可便謂己至則可若謂顏子 子方無一毫之非禮此說却是但未知其意向在甚處 也如所論功體二字太露之類亦是此樣所云須如顏 是義理太多信口信筆縱橫去得說得轉潤病痛轉深 庸謹思之戒益為此也子約書來說得大段支離要

K TO IBL KILLS

晦庵集

等處只是容易作独自主張太早了便生出無限病痛 知赴官能入山否朝廷方遣使命行經界議題法此亦 見訪却不見到不知何故所論二人外內之偏信然此 根民華弊之秋但恐不免少勞心力耳彦童書來云欲 力之為急也 耳彼既相信不及勢亦無如之何莫者且就已分上著 禮前書已報大縣適再考儀禮經五服皆有之一在 答周叔謹

金分口四百言

卷五十四

其加於冠外故須著纓方不脱落也辟領儀禮注云辟 藏在麻根之下麻根搭在麻尾之上級 殺之有繆者以 前向左圍向頭後却就右邊元麻根處相接即以麻尾 貫之還以挿於要問非齊裏則止用布帶而無要經也 耳要服之下又有帶斬衰絞帶齊衰布帶是也益經帶 右本在上者齊衰經之制以麻根處著頭右邊而從額 てこり きいけ 以象吉服之大带此带則象吉服之革帶屈其一端立 在要大小有差對衰條下傳中己言之故不復言 狗奄集 重

領廣四寸則與潤中八寸也兩之為尺六寸與來書所 麻鞍可也麻鞍卒伍所著者 寸而綴定上邊於領之旁以所摺向裏平面向外如今 言不同不知何故詳此碎領是有辟積之義雖廣四寸 優今不可考今略以輕重推之斬 展用今草鞍齊衰用 是也如此即是一旁用八寸兩旁共尺六寸兵管屢疏 裙之有摺即所謂辟積也温公所謂裳每幅作三摺者 須用布閣四寸長八寸者摺其兩頭令就中相接即方四

動分四月五書

卷五十四

易得此當以敬為主而深祭私意之的多為何事就其 重處痛加懲室久之純熟自當見效不可計功於且暮 示 喻静中私意横生此學者之通患能自省察至此甚不 文·1.1日 1101 /1.1.17 而多為說以害之也論語別本未曾改定俟便寄去然 所示仁說差勝往時但所引承說亦有誤字處又恐錯認 且專意就日用處做涵養省察功夫未必不勝讀書也 答周叔謹 答周叔謹 晦庵集 盂

金分口月分言 夫處講學乃其中之一事今但專一於此下功不須 思前 了更略契勘為住然書中所說收拾放心乃是緊切下功 所謂雖若小異然亦不甚相遠者全是子的舊時句法也 算後計較得失講學亦且看直截明白處不要支養來書 垂訓又皆懇切明白但能虚心熟讀深味其古而及之 別幅之喻具悉至意當謂道之在人初非外鐵而里賢 於自必有以信其在我而不容自己則下學上達自當 答王季和翁 卷五十四

有所至矣但讀書不可貪多今當且以大學為先逐段 其高弟弟子多亦催得其一體夫以夫子之聖諸子之 誦習之間而於所謂學問之全體初不察察言之也若 來示備悉學者之志固不可不以遠大自期然觀孔門 熟讀精思須令了了分明方可改讀後段如此庶易見 功久久浹洽通贯則無書不可讀矣 教則其所從言之者至為甲近不過孝弟忠信持守 答王季和

J 1.10 mm /11.

晦庵集

Ī

釗 賢其於道之全體豈不能一言指之以 **与悦其高而忽於近慕於大而暴於細則無漸次經由** 博之以文以開其察識之端約之以禮以嚴具踐履之 人之教循循有序不過使人反而求之至近至小之中 之路而徒有懸想政望之勞亦終不能以自違矣故聖 實使之得寸則守其寸得尺則守其尺如是久之 分で 拘 離高且大而其實未當不貫乎日用細微切近之間 拘者以狹道之傳畫人之志何哉盖所謂道之全 月住書 卷五十 相 授 納而顧 H ı 為

謂先難後獲為仁又以先事後得為崇徳益於此小差 淺深所就之廣狹亦非可以必諸而預期也故夫子當 而漸可能自是而往免尚孳孳斃而後已至於所造之 暇也舒大夫向當相見於會稽所論未合今想其學益 之意至於卷記大字之需則非學之急亦老懶之所不 月益然後道之全體乃有所鄉方而漸可識有所循習 則心失其正雖有錯堅仰萬之志而及為誤利計功之 私矣仁何自而得徳何自而崇哉聊誦所聞以答下問

大正日后上江北京 一

晦庵集

芜

尤不能為懷也所示江陵問答讀之敬夫之聲客院若 更容熟復續奉報歸納也大抵賢者勇於進道而果於 相接悲愴之餘警策多矣但其間尚有鄙意所未安者 不幸乃至於此每一念之痛恨無窮想平生師資之義 一金グロると 荆州云亡忽忽敞晚比又得青田教授陸兄之計吾道 有成矣聞其政亦甚住有本者固如是也不及為書因 見幸客道意 答傅子淵夢泉 卷五十四

氣象言語只似禪家張皇關怒殊無寬平正大沉浸職 專恃此矣 郁之意荆州所謂有拈超豎拂意思者可謂一言盡之 自信未當虚心以觀里賢師友之言而壹取次於胸臆 得資友益書來甚激昂已報之云更須講學封殖不可 然左右初不領畧而渠亦無後語此愚所深恨也德起 たにり見します 示喻戰栗之義及復思之終未能晚豈以宰我如此注 答傅子淵 晦庵集 ŧ

解 金月口四百重 職等好高之論殊不可晓顯道本領只是舊聞正苦其 也示及得明進學之盛深慰鄙懷然二包定夫書來皆 未能猛舍不謂已見絕於旦評也 者學此一端恐區區所見與賢者不同不但此一 故聖人深責之不謂其幾下注解便成支離如來喻 云也細詳來喻是意外生說附會穿鑿有不勝其支 便涉支離不能簡易故即意看此章只是宰我錯 答傅子淵 解

保其無病然道體規模功夫節目只是一理是則俱是 示喻所以取舍於前日之論者甚悉率爾之言固不能 氣試一思之或有以變化氣節而救一偏之與則於成 非則俱非不容作兩種商量去彼取此也暇日平心定 大正りまんだり 心容察工夫加意焉則所謂主敬窮理者始亦稱熙光 已成物之際未必無小補耳 示喻所得日益禹妙非復愚昧所能窺測但願更於小 答傅子淵 狗奄集 弐

金万四周全書 黄諸君各精進捐去舊習甚善但恐似此一向掠虚則 又只是改換名目也超宗遠來殊未有以副具意者却 明之所不可已者而初亦不在海然心喻者之外也包 其就彼商量雖稍過於簡約亦無害耳 似於已分著買處未知用力又與諸兄大相反也已喻 往歲得召東來書盛稱賢者之為人以為十數年來奶 **本始有也以此心願一見而無從得中間聞欲來** 答陳正己剛 卷五十四

訪甚以為喜不久乃聞逐遭對凶深為傷但顧以未當通 俠之意往往發於詞氣之間絕不類堅門學者氣象不知 **嘗有厭平實而超高妙輕道義而喜功名之心其浮陽動** 所動而不服用刀於格物致知誠意正心之本是以所論 但區區於此有不能無疑者益上為靈明之空見所持而 問不欲逐脩慰禮今者辱書荷意良厚且審秋辰殘暑孝 不得從事於博學為志切問近思之實下為俊傑之豪氣 **履支福又以為慰示喻為學大致及別紙數條皆已深悲** 

無兆後來被人引入塗轍矣賢者正作此見何乃遽謂古 向來伯恭亦當以是相規否也產自十四五時即當有起 **今無人作此語耶敬以直内近思録注中別有一語先生** 理二字却是自家體帖出來者真不妄也沖漠無朕一段 愚以至今日反復舊聞而有得焉乃知明道先生所謂天 是想像意度所幸内無空寂之誘外無功利之貧全此純 於此中間非不用力而於見終未端的其言雖或誤中要 恐未可輕議者當此時萬泉未具即是上面一截無形 菱五十四

一欽定四庫全書

寄寂之意而欲其不聞也况此條之下一本注云昌當有 てこりえいたり 如此里人則是先生益亦未之許也但歎美其純德與世 以直內者無是髮之差也許渤為人不可知具詳語録中 輕易立說訓簿前人也注疏之學却不須如此主張編子 又有一處說其人是起問人寒暖加減衣服加減一定終 指意甚明益雖不以為無然未嘗以為即與吾之於謂敬 日不易即是天資篤厚之人容有不聞隔牕事者非必有 一種便像的厲之人氣象懸隔亦可尚耳此等皆未可 海春集

鑫起令人爱歎不知伯恭若不死見此以為如何也 士如婁敬賈誼亦未免此來諭於此子奪之間不能無 義功利一重關耳若處置匈奴一節便使從來才智之 甚高恐未易以世儒武之世儒病痛正為不曾透得道 由議論自是一偏之說豈遂足為準的也哉董仲舒所立 髙下县手者豈立意之偏而不自覺歟近來浙中怪論 **示喻縷縷皆里賢大紫熹何足以知之然亦未得 垃車全書** 答陳正己 卷五十四

賢不異即其所發不應如此以故鄙意於此尤有不能 免将內外本亦作兩段事而其輕重緩急又有顛倒好 無疑者未得面論徒增耿耿耳 強以聖賢經世之説文之而規模氣象與其所謂存神 逆之病光觀底裏恐只是後世一種智力功名之心難 即為朋友傅玩遂失所在今不復能盡記但覺所論不 過化上下同流者大不侔矣若戊子年間所見果與聖 ラー 答朱子绎 梅庵集 主

緊要是格物兩字却未曾說著下手處故學者之讀此 欽定四庫全書 年而無得矣须著精神領略箇大體規模便尋箇的當 而不得其要者類如數遺棄之齒而求有獲亦沒世窮 知讀大學甚善大抵其說雖多多是為學之題目次第 別為一事而異於平日道學之意則恐亦未免有累於 所與子約書甚善但謂東聚還言有涉於經濟維持者 下手處著實用功始是會讀大學也 答路德章 卷五十四

於天下而經世之務皆私智之鑿正謂此耳又謂償遇漢 東來也龜山嘗談王氏之學離內外判心迹使道常無用 寸之地只有一毫此等見識便是在尺直尋底根林直須 祖唐宗亦須有争不得且放過處亦是舊時意思尚在方 20 1... ) 13 mar 1. 1. 1... 尋為大病今日議論乃以枉尺直尋為根本若果如此即 見得正當道理分明不容些兒走作即自然無復此等意 孟子果然迂濶而公孫行張儀真可謂大丈夫矣徳章己 思雖欲宛轉回馥亦有所不可得矣古之聖賢以枉尺直 梅庵集

郵 見大意自不必如此說因筆及之亦恐餘證未解即復云 云耳儀禮編已权此間朋友未有能辨此者春秋想亦不 報用功此文字未為切已然亦可惜中廢但稍減課程 所喻水到渠成之說意思畢竟在渠上未放水東流時 今日刀有餘不至忙迫即玩索涵養之功不至欠關矣 已先作屈山準備了矣毫釐之差千里之謬孟子程子 所以為有功於天理有力於聖門有德於後學者正在 **垃車全書** 答路德章

此處不知何故前日直如此看倒了今日雖欲回頭而 請託則此等以義裁之一切不與人自不能相干謂所入 尚為舊習所奉不得自由也 菩益若謂羞於出入則不應去冬未覺而今夏方覺謂厭 則未能不相為動心也然詳來喻似所以處者亦未有盡 奉一日告獲聞安勝為慰但聞忍窮益堅未有卒歲之計 不足自資則又将去此而有求其得失既未可期而豐約 答路德章 海奄集 1

一 銀定四庫全書 義理上用功少所以常有憤鬱不平之意見於詞氣容貌 意氣不能俯仰而忽然有所激觸遂憤然為此而不眼顧 計年大抵德章平日為學於文字議論上用功多於性情 亦未可料此恐皆非所以决為去就之實或者但以平日 苟且流狗之中觀之固亦足為高然在吾輩學問義理上 之間而所向者無非崎嶇偏仄不可容身之地此在世俗 置此勿論而以所喻讀論孟者言之則所謂不爱把來作 看則豈非膏肓深麵之疾而不可以不早治者耶即今且 卷五十四

無疑則善矣然非上智之資不能及若不幸而仿佛於後 一發其愤問肆其忌刻而記於不問以自欺也若已洞然而 两者之所謂則吾恐其深有妨於進學而大有害於養心也 懲此而不問則未知其果己洞然而無疑即抑有疑而恥 自同於飾問遂飲點以自愚将未至乎有疑而不能問遂 而不能不問今人無疑而節問以資談聽者固不足道然遂 口頭說話故不敢作問而墮於寡題者豈亦不為愤鬱不 平之氣所發耶大學者讀書有疑而不能自決故不得己

文已日月 Alsto

晦庵集

盂

爱他人决做不得遂亦心利其成不欲一向說殺以今觀 昨見編集春秋益嘗奉勸此等得暇為之不可以此而妨吾 是豈不為迷惑之甚乎德章氣節偉然非流輩所可及 不能治之而乃使向外奔馳不得休息以至於及為之害 咎益不獨為賢者惜之也讀書為學本以治心今乃不惟 私心常所爱敬而區區之懷猶有未得盡者每竊以為愧 之則所謂為人謀而不忠者無大於此乃始惕然自悔自 涵養之務正為此耳但當時又見所編功緒已成精家可 卷五十四

金少口匠白書

とこうる ハトラ 為是也大抵是日前為學只是讀史傳說世變其治經亦 乎德之不進而業之不修也吾人為貧只有禄仕一途可 且恨也因風布問則盡言之想所樂聞不至以為罪也 不過是記誦編節向外意多而未當反躬內省以究義理 而長此獨旅乎此則未論義理而只以利害計之亦未得 以苟活無害於義被中距臨安不遠豈不能一為參選計 **示喻縷縷備悉然其大縣皆自怨之解以此存心亦無惑** 答路德章 狗奄焦

處此亦從前師友與有責焉而自家受病此之他人尤更 告正為不忍相棄耳若已相棄便可相忘於江湖何至如 自恕若不怨天即是尤人殊非平日所望於德章者也來 重害此又姿禀不美而無以洗滌變化之罪也今日正當 之歸故具自心放縱念慮粗淺於自己分上無毫髮得力 諭每謂喜有相棄之意此亦尤人之論區區所以苦口相 痛自循省向裏消磨無幾晚節救得一半而一向如此的簡 切但愈增賢者忿懟不平之氣即只今可且捺下引心

銀好四月全書

卷五十四

造婦來討一歇泊處將論語孟子正文端坐熟讀口誦心 除了許多問說話多方學畫去麥了部投一本等合入差 多念憾怨毒之氣管取後日須有進步處不但為今日之一 意便敢打破家事後因久病只将一冊論語早晚閉看 路德章而已也向見伯恭說少時性氣粗暴嫌飲食不如 維雖己晓得文義亦須逐字忖過洗滌了心肝五臟裏許 てこうここ ハニトー 氣質之法不知平時曾與朋反說及此事否德章從學 忽然覺得意思一時平了遂終自無暴怒此可為變化 狗蛋集 美

亦正自不惡也示喻為學功夫果充此言何患不進但 之久不應不聞如何全不學得些子是可謂不善學矣 但求快意恐終無以滌蕩塵埃劉除鱗甲也直鄉在此 讀書亦須隨章逐句子細研窮方見意味若只用麤心 闕期不遠便可得禄襄陽古郡多前賢遺迹宦遊得此 問以來書所云渠殊不省然聞過則喜吾人正當勉力 不須更懷不平之意必求伸已而屈人也踏雪之遊果 答路德章 巻五十四

多定四庫全書

即 見得本來道理即與今日討論制度較計權術者意思 所論學者之失由其但以致知為事遂至陷獨此於今 有所與奪但見邪 日之弊誠若近之然恐所謂致知者正是要就事物上 能踐約幸甚 功夫迥然不同岩致得吾心本然之知豈復有所陷溺 正坐論事而不求理遂至生此病漏耳熹於此非 答康炳道 說横流恐為吾道之害故不得不極 敢

2.1.

胸庵集

圭

未當有所絕於人而不與其進也彼若幡然覺悟去那 歸正又豈意之所能拒哉東菜文字須子細整頓成編 言之信之與否則在乎人焉若既排闢之又假借之則 恐其弊將有至於養虎而遺患者矣然區區於此亦固 示喻銘叙此非有所爱但老病心力良耗不能盡給四 眼前諸人即此事無分付處矣 乃可商量但此事亦不宜甚緩益人生不堅固若過却 答郭希吕津

|動定四庫全書

卷五十四

次足四軍合門 一 亮必欲喜自為之而故為此說 耳人之相知貴相知心 必不容復有詞也恐此未必誠之之意只是希吕不相 悲惱尤覺昏憊决不能辨此且銘重於序既已作銘若 人岩以其重而不敢為則熹已任其重者矣果在今日 有餘力何惜於叙而費許多詞說分疏耶誠之若是合 方之求不得不自為性命計耳鄙性批直向使可為即 下不肯承當即不應為希吕移書以其所不欲者施於 已為之何至今日更順再喻然後作耶况今又經一番 晦庵集 贡

更考諸先生說有發明處者博觀而審取之凡一言 深察乎此憐其衰老勿破已成之例以速其就於死地 句有益於已者皆當玩味未可便恐路徑支離而謂所 知讀論孟不發甚善且先将正文熟讀就自己分上看 幸甚幸甚 有不必讀也墓銘之額更著宋字亦佳伯謨必已報去 而古之君子不盡人之数不竭人之忠所以全交千萬 グロガン 答郭希吕 卷五十四

處正惟自勉而已但謂學問大端不敢職等言之則都 意有所未晚者夫學問豈以他求不過欲明此理而力 矣大抵石長即以十字為兩行石短則以九字為三行 はつこしすいて ノ・トー 行之耳但其功夫所施有序而莫不以愛親敬長為先 亦 随事之宜可也 謂學問自是一事可以置之度外而姑從事於孝友 喻所以居家 事長之意甚善甚善此事他人無致力 答郭希吕 海奄集

多定四母全書 求 問之大端者以求孝弟之實則閨門之内倫理益正思 之實也故養竊顧見仲相與深察此意而講於所謂學 横生其亦流之獎將有不可勝處不可勝防者不審賢 可幾及而汲汲然徒弊精神於科舉文字之間乃欲別 者以為如 義益篤將有不期然而然者矣若以學問為一大事不 術以為家庭雍睦悠久之計竊恐天理不明人怨 答郭希吕 何 卷五十四

學問有全體工夫所謂孝弟乃全體中之一事但几他 事為至大而最急耳固不可謂學者止此一事便了而 事之緩急本末亦莫不有自然之序苟不明此則為孝 固 為先而力行以終之益有以明乎此心之全體則孝弟 其餘事可一切棄置而不問也故聖賢教人必以窮理 在其中而他事不在其外孝弟固不容於不勉而他 喻縷縷似未悉前後鄙意者益人心有全體運用故 者未免出於有意且又未必能盡具理而為衆事之 与看法 早

一欽定四庫全書 本根也今以六經大學論語中庸孟子諸書考之可見 矣希日自謂多病故不能精思博學而姑用力於其所 學矣則又易為而苦心竭力以從事於科舉之文即此 外更無學問則其謬見甚矣且誠多病而不能精思博 及則固己為自棄而循可該曰近本若遂以為孝弟之 實工考察整理方見次第不須如此預先安排記文局 之不為而彼之久為雖曰不厚於利而簿於義吾不信 也希召其更思之書院規模且隨事隨力為之却就事 Ņ 卷五十四

榜尤是外事但此等意思即見浮淺外馳之驗若於學 て・17 こした 念只是要得常自惺覺思所當思而不悖於義理耳別 端也大抵學者不可有放過底事久之不已雖無緊要 太極西銘通書各註一本試熟讀而思之亦求理之一 問全體上切已處用得功夫即氣象自當深厚宏閣矣 示喻縷縷備悉然所謂以心正心不是要得漠然無思 功夫亦有得力處也 答郭希吕 晦庵集 里

多定四庫全書 紙所示看得全未子細更宜加功專看大學首尾通賞 由見得詳細即且更耐煩專一細看為住日月易得大 都無所疑然後可讀語孟語孟又無所疑然後可讀中 來喻滿紙深所未喻必是當時於此見得太重所以如 庸今大學全未晚了而便兼看中庸用心叢雜如此何 此執著放捨不下今想未能遽然割棄但請逐日那 事未明甚可懼也 答時子雲 卷五十四

未 孰 時 スニショ ラ 思量擘畫終不暇向此途矣試思之如何向編近思録 欲 捨此不務紛紛多言思前算後展轉纏縛一生出不得 似無滋味久之須自見得合剖判處則自然放得下矣 五分功夫術古今聖賢之言剖析義利處及復熟讀時 竦 思省義理何自而來利欲何從而有二者於人孰親 論小小得失政使一旦便登高科齊顯官又須別 數段說科學壞人心術處而伯恭不肯今日乃知 孰輕孰重必不得已孰取孰舍孰緩孰急初看時 梅庵集 뫋 有

國分四年全書 此箇病根從彼時便已裁種培養得在心田裏了今 示喻功夫次第似覺頭緒太多今且以敬義二字隨處 痛 いえ 力口 向上一路也 難辨為憂聖門只此便是終身事業亦不須別妄想 功人人自當得力義利之間只得著力分別不當預 恨也 答毛舜卿 答王伯禮 洽 卷五十四

合參而漢書趙廣漢傳亦云參伍其賈以類相準皆其 變欲伍以麥注引韓子曰省同異之言以知明黨之分 則遇五而齊以五數之則遇三而會故尚子曰窺敵制 相 參以三數 之也伍以五數之也如云什伍其民如云或 義也易所謂參伍以變者益言或以三數而變之或以 偶參伍之驗以責陳言之實又曰參之以比物伍之以 Ð. 數而變之前後多寡更相及覆以不齊而要其齊 什伍非直為三與五而已也益紀數之法以三數之

とこりる

), Lin

胸庵集

里

金月世 繁 章部紀元是皆各為一法不相依附而不害其相通者 河 腁 也綜字之義沙隨得之然錯綜自是兩事錯者雜而 大 而密 圖洛書大行之数伏羲文王之卦歷家之日月五星 也綜者條而理之也參伍錯綜又各自是一事參伍 至 極两儀四象八卦者伏羲畫卦之法也說卦天地定 以通之其治之也簡 坤以藏之以前伏義所畫八卦之位也帝出乎震 月全建 卷五十四 而疏錯綜所以極之其治之也 5

四卦 為自 變圖剛來柔進之類亦是就卦已成後用意推說以此 注說實卦自泰卦而來先儒非之以為乾坤合而為泰 次定四軍亡馬 豈有泰復變為實之理殊不知若論伏義畫卦則六十 活 孔子之説則殺 下文王即伏羲已成之卦而 絡無所拘 彼 時俱了雖乾坤亦無能生諸 **卦而來耳非是先有彼** 泥則無不通耳 横曲直反覆相生無所不可要在看得 梅庵集 卦而後方有此卦 推其義類之詞也如卦 卦之 理岩 墨 如文王 也古

者 乡 未 易中先儒舊法皆不可廢但互體五行納甲飛伏之類 項當脩定今寫去可就空處填畫卦交而以象傳考之 則 拘滞也 卦所從來皆可見矣然其間亦有 及致思再卦變獨於彖傅之詞有用然舊圖亦未備 須細考之可以見易中象數無所不通不當如今人 C 答楊深久 人: 頃世 · 今於圖中如此添脩當已明白矣 卷五 十四 卦從數卦而來

水之謂也前此所以奉告但欲賢者日用之間不昧此 上三記亦然乃見所疑之實禮樂刑政之為教如寒暑何當取而不取過處未安太禮樂刑政之為教如寒暑 而句辨之當有所決不可只如此泛論也略處如某章 無偏倚而皆中節矣不審賢者以為如何 心更於應接事物處各求其理之所在則喜怒哀樂自 示喻自患柔懦不立而欲務於寬大含容此正以水濟 こう 戸いたす 衛諸疑固當面論若未能判然莫若條陳所疑章解 答楊深父

再出於由尤申商矣此類更宜寬者心胸子細推驗不 金百四届台書 生殺之為歲此何於疑若如來意則道外有物而刑政 然足以見好學之篇雖老而不忘也信後冬深寒暖不 官處亦可見矣 可只将尋常小小意見窥測也觀橫渠先生論周禮天 之來母手書两通意厚禮動有非區區淺陋所敢當者 別累年疾病多故不獲以時致問訊 第積馳仰正思 答汪子卿

とこうシンニ 得 常不審尊候何如伏惟起處萬福嘉大馬之齒雖在賢 豈其於此固有以點契而忘言也即不然則仁之所以 者之後然今亦是老境平生為學非不究心然未有大 於 所引論語數係言仁甚悉而所論及覆亦不為不詳獨 助 仁者 仁之一字義理意味與其所以用力之方皆未之及 於高明但荷意之動亦不敢隱其固恆耳竊味水書 力處三復來海皆其力之所未能及者而何足以少 初未當曉然有見於心而的然有得於已吾恐 与を集 DIE

釗 無 貧富之外也然其所以至此則必當有所用其力矣非 騙之問益自以為至而夫子以為未者樂與好禮何哉 有以見其未免於彼之重而此之輕也昔子貢無諂無 也長者之明雖不至此然以所謂變通之術者觀之則 レス 所謂不違不害者之茫然如捕風緊影之無所指而所 規規於兩者之間有所校計抑遏而求出於此也又况於 處夫窮通得畏之際者或未能泰然無所動於其中 諂無驕則尚局於貧富之中樂且好禮則已起然乎 卷五十四

定四庫全書

如有物之可指而窮通得失之變脱然其無與於我矣 於此姑無恤其他而深探聖賢之言以求仁之所以為 自料其必有所不安而預為變通之計則恐其所立又 仁者反諸自而實用其力焉則於所以不違不害者皆 将出於無諂無驕之下也無疑矣區區鄙意竊願長者 **於論時學之弊甚善但所謂冷淡生活者亦恐反逞而** 不識高明以為如何若有未安幸復見教也 答趙幾道師淵 おきま

棄禮法只此一節尤為學者心術之害故不免直截與 曾略見天理彷彿一味只将私意東作西孫做出許多 來者免墮邪見坑中亦是一事耳 之說破渠輩家計已成决不肯舍然此說既明庶幾後 正以吾黨孤弱不欲於中自為矛盾亦厭繳紛競辨若 禍大耳孟子所以舍申商而距楊墨者正為此也向來 欽定四庫全書 設注邪遁之說又且空腹高心妄自尊大俯視聖賢夷 可羞者故一切容忍不能極論近乃深覺其弊全然不 卷五十四

昔時讀史者不過記其事實施其詞采以供文字之用 とこのほしい 為賢於夫子寧含論孟之屬而讀其書然當聞其說之 利害事情之得失而尤喜稱史遷之書講說推尊幾以 而已近世學者頗知其陋則變其法務以考其形勢之 者實未知所折東也後之為史者又不及此以故讀史 氏而亦徒見其表悦其外之文而已其曰折東於夫子 二不過只是戦國以下見識其正當處不過知尊孔 狗奄集 哭

答趙幾道

世俗尋常之見以為雖古聖賢亦不過審於利害之算 善如火之必熱水之必寒不為不善如關虞之不殺竊 而已惟無黃門作古史序篇首便言古之聖人其必為 之士多是意思粗淺於義理之精微多不能識而墮於 胎之不穀於義理大綱領處見得極分明提得極親切 雖其下文未能盡善然只此數句已非近世諸儒所能 得本末一一諦當只其資質恬靜無他外慕故於此大 及矣情其從初為學功夫本無次序不曾經歷不能見 卷五十四

· 銀 分 四 月 全書

當規模以見諸事業傅之學者徒然說得此箇意思而 其意之所重終止在文字言語之間其徒雖極力推尊 てこりうべたり 頭段處窥測得箇影響到此地位正好著力却便隨落 釋老門户中去不能就聖賢指示處立得修已治人正 H 亦可恨也其論史遷之失兩句亦切中其膏肓不知近 之然竟不曾有人能為拈出此箇話頭以建立宗古者 推尊史記者曾為暴分解否耳今日已作書偶思得 即復奉告不審以為如何也 晦庵集

金云四月百十 如 白覺有進步處然後知此言之不妄也大學章句一通 以持身接物之際未必皆能識其本原而中於幾會此 示喻學問之道不專在書冊而在持身接物之間理固 **設奉致思之地大抵讀書惟虚心專意循次漸進為可** 以治民理事之餘力益取聖賢之言而讀之而思之當 此然便全舍去書册不復以講學問辨為事則恐所 路人民社稷何必讀書之論所以見惡於聖人也試 答劉仲則傑 卷五十四

とこする 悠悠隨其所向便是持守久之純熟自見次第矣讀書 菩 得之如百年九禹非可以一最而盡其味也 但 通透也向說小善不足為重輕非是以小善為不足為 且就分明處看覷涵派不必過為考索久之浹洽自然 所論為學功夫甚善但若果是見得日用周旋無非至 則亦不必大段著力把捉却恐迫切而及失之但且 謂要識得大體有用功處不專情此為本領耳善之 答黄晃仲 晦庵集

多分四角全書 則其聲愈閉將不可揜政不必有意於其間也 乃如執事者出乎其間民不告勞而官無廢事是可尚 謂今之為吏者採過目前不得一意於撫摩之政久矣 跧 所在即當從之固不可以其小而忽之也 如聞當路順已相知更願益修其在我者其實既大 伏山問聽於道途與凡士友之言具知政績之美竊 答沙縣宗宰 答楊簡仰與 南強 卷五十四

愛也 之無以應命但有一言為贈其賢者抗志禹明有以自 友妙年何遞汲汲如此向使前舉未登科不成如今亦 遂書考又得史君薦 判尤以為喜但所諭趙師書在吾 人不喜人宛轉為人水知故亦不欲作此等書反復思 要舉狀關陞也平生不敢為此故亦不欲以此施之於 欠足の見合い 板於流俗乃所望耳井伯雖實相愛然似未知所以相 晦庵集 歪

久不聞問母書審聞新正以來侍奉吉 慶為慰又知己

之計也 金グに及る事 所論為學之功若如所言則是大段勇猛精進非復昔 經史博通古今亦是一事不可只念時文為目前的簡 不易得然更在勉其學業雖未能深解義理且得多讀 示喻學校由折具悉雅志今時教官能留意如此者誠 人矣愛前後屢聞此言而及至相見則性情態度宛然 答吳宜之南 答江夢良史 卷五十四

只是 舊人元未有毫髮改變則今日之云 鄙意固有所 輕易之病又更增長以此為學所謂卻行而求前也 未敢信也且不惟所說之病不曾去而省已粗疎發言 次定四軍全書 ! 卒與語而欲委曲開導之竊詳此意恐自未免於薄惡 **苟簡白恕議論讀之令人腹煩如謂世人目俗濟惡難** 加静重潛心向學何所不至今乃一味浮躁自立一種 他說紛紜皆是不肯安於義命之意以宜之才氣若稍 答吴宜之 晦庵集 圭

樂文字未有可從事者不知此語何為而發若如鄙意 當有甚於今日者雖欲悔之不能及也所謂學者舍科 痛自収斂猶可救得一半若只如前日意思他時之困 枥 念也 則科學文字之外學者儘有合用力處此賢者所當深 觀來書所論他人長短得失無不精當但平日所見所 難與語也今日决意登舟無可言者但願更思此言 答吴宜之

とい

卷丘

裁夫我則不服願宜之常思此句念念向裏就切己處 欠足り.更人は此か !! 非事之急况欲投獻求知於人此獨外之尤者不可以 做功夫他人之長短得失非吾之所當知也陳公之賢 固樂聞之然公私多事何能及此新詩固有佳句然亦 其務外者多而反自或關耶子貢方人子曰賜也賢乎 以讀書為學之意處已接物之方則甚有不相似者豈 取自家自分上事為佳 不戒史論正亦未須遠作且務窮經觀理深自涵養了 晦庵集

所以遠來相問亦正為此今若曲徇宜之之意相為經 金少口た人 當先為圖得矣兼平生為學只學固窮守道一事朋友 承書知已為入都計今想已到矣但喜身在閱遠宣能 管則是生師之間去仁義而懷利以相接矣豈相尋問 學之本意耶 人宛轉求館求試若能如此則親戚問如黃直知輩 答吳宜之 答异宜之 卷五十四

災定四年公言 此點投說過多著言語便說殺了先儒注解非是不好 之說臨難尚免尤為非義如何可前此意况未有可求 文叔作縣不作者實功夫狼狼至如此如何著力辟置 如此更有無限未了底文字恐為沒自之恨矣 只為皆墮毛病故不滿人意中間使欲稍移經下注文 所喻易說誠是太畧然此書體面與他經不同只得如 入傳中庶得經文意思更寬而未有功夫到得今病衰 答徐斯遠文如 胸牵集 퓲

彦章守舊說甚固乃是設惜已見不肯自形來下毒手 僧家有琉璃瓶子禪之説正謂此耳 弹駁如人权得假金不敢試將火煅如此如何得長進 裹甚可喜也 處耶子耕得近信否所苦如何想已向安如今後生進 分りいると言 鈍者不濟事其開爽者又多鶩於文詞子耕近來覺向 答徐斯遠 答徐斯遠 卷五十四

此具報幸有以交相警切為住耳彦章議論雖有偏滞 意切已處却全未有所安也斯遠亦不可不知此意故 縣人墨客而已今渠所志雖不止此然猶覺有偏重之 竭所懷然大縣亦已言之不過欲其利落支葉就日用 間深察義理之本然庶幾有所据依以造實地不但為 昌父志操文詞皆非流輩所及至此適 值悲撓未能聲 不通之病然其意思終是靠裏近實有受用處也 17.11 1.11 答趙昌甫著人

金定四库全書 如具不然即墮坑落塹無有是處矣尤是文士巧於言 斯遠殊可念吾人當此境界只有固窮兩字是著力處 發之前為理皆具然乃虚中之實静中之動渾然未有 無物但便謂情性無二更無虚静時節則不可耳益未 吕居仁之不答 梁師成葢絕無而僅有之為可貴也 語為人所說易入邪徑如近世陳無己之不見章雷州 承喻諄複益見精指鄙意竊謂未發之前固不可謂之 答徐彦章

乎動者之中再來喻本欲自拔於異端然却有侵過界 快定四車全馬 失願且寬平其心涵泳此理而徐剖析於毫釐之際然 形影著臭故謂之中及其已發然後所其之實理乃行 抵前 賢也致中和一節亦告深思好以先入之說為主 後乃為真知儒佛之邪正不必如是之迫切也前日見 分處而主張太過氣象急迫無沈浸醲郁之味尤非小 性之際未能分別恐當更加玩味未可率然立論輕 語說中破伊川先生孝悌為仁之本之說此正是於 酶庵集 圣

寂滅之嫌而廢也更望虚心平氣徐以思之久必有合 静者為主而動者為容此天地陰陽自然之理不可以 示喻主善之云甚佳但善守有動静二者相對而言則 矣若固執舊間舉一 幸甚幸甚 熹前日拜状而還信己行遂不待附深負不敏之愧兩 Į 答徐彦章 答徐彦章 7277 展百 懼非所以進於日新也 卷五十四

尋便附致幸及復之使得以致思為望說中中和動静 尤是大義此處一差非惟錯會經旨且於道體便不分 日偶看經說有疑義數條別紙奉扣并前書送今冬處 統於善而無間斷之謂一此語甚善但所論老釋之病 可草草放過也 明而日用工夫常有急迫之意無深沉安靜氣象恐不 とり見いきう 用之說則恐未然益老釋之病在於象曰及復其道 答徐彦章論經說所疑 梅庵县 됸

金分四月五十 當連下句 說恐堕於釋氏輪廻之論 日月寒暑晦明可言反復死無復生之理今在一例推 天地之心與赤子之心恐更有商量沒了二十十二 至微而未可有為之時也今日不拘乎一則以二者谷 陽來復與雷在地中只是一義益陽生於閉藏之中 為說太高文之時義學之等級似皆未契 行獨復合內外之道以下未晚其說恐是筆誤不然 卷五十四 答可見請試詳之

欠世四年八号 間下一然字則似以事字為工夫之條目矣恐或未然 未安謂未動之時未當有誠可乎 與不及之差非謂不待著力而常不發也誠由動言亦 過不及之中聖人之心當發而發不待著力而自無過 孟子說中已別論矣 然必有事焉此句未晓時習謹獨即所謂有事今乃中 不勉而中之中以未發言恐未安此中字却是發而無 一義矣恐未安也 斯庵集

求静有體而無用耳至於分別體用乃物理之固然非 且今之所謂一者其間固有動静之殊則亦豈能無體 萬理皆備是乃所以為純於善而無間斷之本也今不 息之暫停也彼其外物不接內欲不萌之際心體湛然 用之分哉非曰純於善而無間斷則遂畫度夜思無 未發者固體之謂也其曰感通而方發者固用之謂也 彼之私言也求之吾書雖無體用之云然其日寂然而 分口母百百 者無過不及之謂又曰和者中之異名若就厭動而 卷五十四

欠日日日日人は 不得息聖賢亦弗能也益其失雖有彼此之殊其倚於 察此而又不能廢夫寂然不動之說顧獨該老釋以寂 主而動者為客焉則庶乎其不昧於道體而日用之間 也今說於動而欲無天下之静是猶常行不止雖勞而 然為宗無乃自相矛盾即大抵老釋說於静而欲無天 下之動是猶常寐不覺而棄有用於無用聖賢固弗為 一陽一動一静之可以相勝而不能相無又知静者為 偏而非天下之正理則一而己嗚呼學者能知一陰 胸庵集 五九

如何諱得方此之時固未有物欲泥沙之汨然發而中 是未應物時雖市井販夫厮役賤隷亦不無此等時即 中只是未有偏倚之意亦與和字地位不同矣未發只 長説旨未安 有以用其力耳為上為徳為下為民七世之廟萬夫之 已發處言之則可益所謂時中也若就未發處言之則 若謂未汨時全是未發已汨後便是已發即喜怒哀 則雖應於物亦未當有所泊直是發不中節方有所 卷五十四

金分四屆全書

尊徳性以下旨至徳之方語似未登大抵發育峻極三 之功便是静中功夫所謂静必有事者固未當有所動 問學所以盡其三千三百之小下句於此以其大小兼 樂之發永無中節之時矣恐不然也於本有握持涵養 該精粗不二故居上居下有道無道無所不宜非止為 欠にり 早八号 至德而凝至道也尊德性所以充其發育峻極之大道 千三百皆至道其人則至徳之人也此五句皆所以修 也但當動不動動以中節非如釋氏之務於常叙耳 晦庵集

知禮也中庸二字各有所主以為異名亦未安也 在河口后自書 鳶飛魚躍成其白爾將誰使察之即有察之者便不活 人倫之祭同亦未安 天地之大以下所說與上文不連貫察者也謂與察於 明道中庸說問之前輩乃吕與叔後來傅者之誤也 所求乎子与以事父未能也与主意立文皆與大學絜 發發地矣 節相似人多誤讀今詳來說似亦可疑 卷五十四

謂此也 位 欠三日戸八十 矣 氏說下焉者若謂衰周以下恐當善字不得須別有說 反古之道以下文考之非不師古之謂也三重當從日 大哉聖人之道以下至其此之謂歟別是一章知化育 不必言如乾知大始之知 則動動以下當從程子說皆以他人而言孟子在下 一章全用中庸語共口至誠而不動者未之有也即 胸庵集 车

金岁四月五書 統 量敵處勝是孟施舍譏他人不能無懼之言 動其心故孟子所答之意亦不為此詳味可見矣 则 孟子之不動心當從程子能無畏難而動其心乎之說 必有事焉如言有事於上帝有事於嗣史之類非是用 力之地乃言須當用力也正者等待期望之意與春秋 一說益本於此乃一章大指所緊不可失也 直也儀禮禮記多有此字每與衛字作對下文直養 一章之指首尾貫通矣丑非疑孟子以得位為樂而 卷五十

增益之也告子論性五說是同是別生之謂性其義如 **尺三回車公子** 耶 中 關睢之淑女似指嬪御恐非詩意 也忘者失其所有事助長者望之不至而作為奮迅以 生此鑿說不足據信今考周禮不遺餘刀而反信此何 何七月一詩而備三體乃鄭氏不達周禮篇章之義而 師出不正反戦不正勝之正同古注以望字釋之是 即和也和即中也此語已辨於前恐更須子細不可 梅庵集 笙

如此草畧說過分體用者未必誤學者却恐為此說者 金月口尼全重 以從事於孝恭友弟之實非行思坐誦空言之比也然 絜知者其義云何據此皇極與所惡於上母以使下 皇極立之於此四方之所取正此說甚善但不知所謂 能自誤耳 近聞永嘉有回禄之災高居不至驚恐否講習家庭得 節之意似不同也 答包定之 卷五十四

見否亦頗得同志相與切磋否此間今年朋友往來不 觀孟子尚書之屬反復諷誦於明白易號處直截理會 ラくここりこうへいち 為佳切忌穿鑿屈曲纏繞也陳國録徐太丞諸公曾相 定講學殊無頭緒甚思定之用意精密不易得也千萬 勉旃以慰遠懷 操索涵泳又不可廢不審所讀何書更能温習論語并 每卷集 堊

銀好四百至重 梅庵集卷五十四 四